



PROTOCOL PONTIO AMLASIANTAETHOL

Statws cyfredol a Dyddiad	Cytunwyd Tachwedd 2019	Dyddiad cymeradwyo diwethaf	Tachwedd 2019 Chwefror 2015
Prif Reolwr/wyr y Gwasanaethau Cymdeithasol	Pennaeth Gofal Oedolion Pennaeth Cynhwysiant Pennaeth Gwasanaethau Plant		
Rheolaeth fersiynau	V9 Tach 2019 Cytuno ar y Polisi Pontio yn y Tîm Rheoli Adranol		
	V9 7/04/2019 Jean Davies – Newidiadau pellach i'r cyflwyniad yn dilyn adborth.		
	V9 7/04/2019 Newidiadau'r Grŵp Gweithredol a wnaed yn y cyfarfod.		
	V8 5/11/2018 J Davies – Drafft gyda newidiadau pellach gan y grŵp pontio gweithredol a Nicky Ashfield		
	v7 9/07/2018 J Davies – Drafft gyda newidiadau'r Gwasanaethau Plant a Gwybodaeth am Ddeddf Anghenion Dysgu Ychwanegol.		
	v6 7/03/2017 J Davies - Drafft gyda newidiadau a awgrymwyd gan randdeiliaid.		

Cynnwys

1. Dull Pontio [Protocol Pontio] yn Sir Benfro	3
2. Canllawiau ynghylch Pontio	4
3. Partneriaid Sir Benfro mewn Pontio	4
4. Llwybr Pontio.....	4
5. Yr hyn y gall Pobl Ifanc a'u Teuluoedd ei Ddisgwyl	5
6. Pwy fydd yn Helpu i Gynllunio a Monitro Pontio	5
7. Trefniadau Llywodraethu.....	7
8. Cyllid	8
9. Anghenion Dysgu Ychwanegol.....	8
10. Gofal Iechyd Parhaus	8
11. Cau achosion Pontio: Trosglwyddiadau neu Ymadael	9
12. Cwynion/Canmolïaeth	9

1. Y Dull Pontio [Protocol Pontio] yn Sir Benfro

Mae pontio'n golygu newid. Mae'n ymwneud â'r ffordd mae'r cymorth sydd ei angen yn newid wrth i blentyn ddod yn oedolyn. Mae hefyd yn ymwneud â phwy fydd yn darparu'r cymorth wrth iddo newid. Mae'r ddogfen hon yn egluro sut y caiff pobl ifanc eu cynorthwyo i drosglwyddo o wasanaethau Plant i wasanaethau Oedolion ac o'r ysgol i'r coleg, gwaith cyflogedig neu gyfleoedd yn ystod y dydd.

Rydym yn cefnogi pobl ifanc ag anableddau ac anghenion dysgu ychwanegol a'r rhai sy'n agored i niwed. Mae hyn yn cynnwys y rhai sydd mewn perygl o niwed corfforol ac emosiynol. Gwnawn hyn drwy siarad â phobl ifanc a'u teuluoedd i ddarganfod beth sy'n bwysig iddynt a sut y gallwn eu cynorthwyo i gyrraedd eu nodau.

Byddwn yn siarad am:

Addysg ac a ydy coleg yn ddewis.

Cael swydd.

Teulu a phobl sy'n bwysig i'r bobl ifanc.

Ble mae'r person ifanc yn byw a ble yr hoffai fyw yn y dyfodol.

Hobiau a diddordebau.

Iechyd a lles.

Byddwn yn dechrau'r broses bontio pan fydd person ifanc yn troi'n 14 oed. Mae llawer yn newid ar yr adeg yma ac mae hyn yn golygu bod yna lawer o benderfyniadau i'w gwneud. Mae dechrau cynllunio pontio yn 14 oed yn rhoi digon o amser inni feddwl am y dyfodol ac i drafod dewisiadau a chytuno ar y cymorth cywir.

Mae nifer o sefydliadau wedi cydweithio i ddatblygu dull Sir Benfro o gefnogi pobl ifanc wrth iddynt symud drwy addysg ac yna ymlaen i fyd oedolion a byw'n annibynnol. Bydd y cymorth y bydd arnynt ei angen yn newid wrth i'w hanghenion newid ac efallai y bydd yn cael ei ddarparu gan sefydliadau gwahanol. Byddwn yn gweithio gyda'n gilydd i sicrhau nad oes toriad yn y gwasanaeth.

Bydd ein dull yn hyrwyddo:

- Annibyniaeth
- Cynllunio Integredig
- Dull Cyfannol
- Dewis a Rheolaeth
- Dymuniadau a Dyheadau'r person ifanc.

Rydym wedi defnyddio canllawiau'r Llywodraeth i fod o gymorth i ddatblygu'r dull hwn.**

2. Canllawiau ar Bontio

Dywed canllawiau'r Llywodraeth wrthym am sicrhau'r canlynol ar gyfer pobl ifanc, mor ifanc â 14 oed, sy'n agored i niwed neu sydd ag anableddau ac anghenion dysgu ychwanegol:

- ✓ bod eu hanghenion yn cael eu hasesu a'u hadolygu ar yr adeg gywir;
- ✓ bod ganddynt gynllun ar waith ym mhob cyfnod pontio allweddol;
- ✓ eu bod yn cael y gefnogaeth iawn gan y bobl iawn ar yr adeg iawn;
- ✓ eu bod yn derbyn mewnbwn gan y sefydliadau cywir ar gyfer cynlluniau ac adolygiadau;
- ✓ eu bod yn cael dweud eu meddwl ac yn cael gweithio gyda'r rhai sy'n eu cefnogi.

3. Partneriaid Sir Benfro mewn Pontio

Mae nifer o sefydliadau a gweithwyr proffesiynol yn cydweithio ac yn gweithio gyda phobl ifanc a'u teuluoedd i sicrhau eu bod yn cael y cymorth y mae arnynt ei angen.

Pwy	Beth
Gwasanaethau Eiriol	✓ Mae barn pobl ifanc a'u teuluoedd yn cael ei chlywed ac maent yn deall y broses a'r cynlluniau.
Adran Addysg Cyngor Sir Penfro ac Ysgolion.	✓ Nodir anghenion dysgu ychwanegol, gwneir atgyfeiriadau, cynhelir cyfarfodydd adolygu a chaiff cynlluniau eu datblygu. ✓ Mynediad at gymorth.
Gwasanaethau Cymdeithasol Cyngor Sir Penfro	✓ Darparu asesiadau ac adolygiadau gofal cymdeithasol a datblygu cynlluniau gofal a chymorth pan fo angen. ✓ Mynediad at gymorth.
Gyrfa Cymru	✓ Datblygu cynlluniau addysg a dysgu a sgiliau. ✓ Cymorth i fynd i mewn i addysg, hyfforddiant a chyfleoedd gwaith.
Bwrdd Iechyd Prifysgol Hywel Dda	✓ Caiff anghenion iechyd eu hasesu a darperir cymorth a thriniaeth fel bo angen.
Sefydliadau Trydydd Sector	✓ Gwybodaeth, cyngor a chymorth i gael mynediad at gefnogaeth.
Grwpiau Partneriaeth – Strategol a Gweithredol a Phanel Anghenion Cymhleth	✓ Dilynir arweiniad y Llywodraeth. ✓ Sicrhau bod sefydliadau sy'n bartneriaid yn cydweithio. ✓ Mesur a monitro deilliannau a pherfformiad.

4. Llwybr Pontio

Bydd pobl ifanc sydd angen cymorth yn cael cymorth integredig, wedi ei gynllunio a'i gydgyssylltu'n dda drwy eu cyfnod pontio i fyd oedolion. Caiff y cymorth hwn ei strwythuro i ateb eu hanghenion a'u cynorthwyo i gyflawni eu deilliannau personol. Mae nifer o ffactorau a allai ddylanwadu ar gymhwysedd i dderbyn cymorth iechyd a gwasanaethau cymdeithasol a chynllun pontio amlasiantaethol. Bydd ar y rhan fwyaf o bobl ifanc, sydd â gweithiwr cymdeithasol eisoes a/neu fewnbwn iechyd arbenigol, angen cymorth drwy'r broses bontio amlasiantaethol.

Gellid cyfeirio plant a phobl ifanc at wasanaethau pontio mewn nifer o ffyrdd:

- Ar gyfer Plant sy'n Derbyn Gofal (LAC) 14+ oed bydd y cyfnod pontio yn cael ei ystyried yn ystod adolygiadau Cynllun Gofal sy'n cael eu cadeirio gan Swyddogion Adolygu Annibynnol ar y cyd â'r Tîm Rhianta Corfforaethol
- Yr ysgolion yn eu cyfeirio
- Y tîm Plant mewn Angen yn eu cyfeirio
- Ar gyfer pobl ifanc 14+ oed sy'n hysbys i'r tîm Plant ag Anableddau, edrychir ar y cyfnod pontio yn ystod adolygiadau'r Cynllun Gofal a Chymorth Anabledd ac Addysg, a gynhelir yn yr ysgolion. Gwneir hyn ar y cyd â'r tîm Pontio.

5 Yr hyn y Gall Pobl Ifanc a'u Teuluoedd ei Ddisgwyl

- Bydd pobl ifanc yng nghanol y cyfnod pontio.
- Caiff pobl ifanc asesiad o'u hanghenion.
- Bydd pobl ifanc, gofawyr a theuluoedd yn cymryd rhan yn y gwaith o ddatblygu asesiadau, cynlluniau pontio, cynlluniau ac adolygiadau gofal a chymorth.
- Bydd pobl ifanc, gofawyr a theuluoedd yn cymryd rhan lawn a byddant yn cael y wybodaeth ddiweddaraf ar bob cam o'r broses.

6 Pwy fydd yn Gynorthwyo i Gynllunio a Monitro'r Trosglwyddiad

Oedran Pwy a Beth		Safonau ac Amserlenni
Drwy gydol y broses bontio:		
✓ Bydd person ifanc yn cael cynnig y dewis o gael Eiriolwr i'w gynorthwyo i leisio ei ddymuniadau a'i ddyheadau. ✓ Caiff gwybodaeth ei dosbarthu gan Weinyddwr yr Ysgol neu Weithiwr Cymdeithasol Plant o leiaf bythefnos cyn cynnal adolygiad. ✓ Caiff cynllun Gofal a Chymorth ei ddatblygu ar ôl yr adolygiad a dylid ei anfon i'r ysgol o leiaf 6 wythnos cyn y disgwylir yr adolygiad blynyddol. Caiff hwn ei ddosbarthu o fewn 10 diwrnod i'r adolygiad.		
14	✓ Bydd yr Ysgol yn cwblhau Cynllun Addysg Personol. ✓ Os bydd y person ifanc yn derbyn gofal gan Wasanaethau Plant yna bydd y Gweithiwr Cymdeithasol yn cwblhau Adolygiad Plentyn sy'n Derbyn Gofal (LAC), un bob chwe mis. ✓ Gwahoddir Gyrfa Cymru i fod yn bresennol yn yr adolygiadau. ✓ Gwahoddir Gweithwyr Iechyd Proffesiynol i fod yn bresennol yn yr adolygiadau. ✓ Bydd pobl ifanc sydd ddim yn Derbyn Gofal yn cael adolygiad blynyddol gan y tîm y maent yn gweithio gyda hwy.	✓ Bydd adolygiad dan arweiniad yr Ysgol neu gynllun gofal a chymorth yn digwydd pan fydd y person ifanc yn 14 oed. Bydd angen gwahodd Gweithiwr Cymdeithasol Pontio oedolion a gwneir atgyfeiriad i Drosglwyddiadau Gofal Cymdeithasol Oedolion ar yr adeg yma.
15	✓ Bydd yr Ysgol yn adolygu'r Cynllun Addysg Personol.	

Oedran	Pwy a Beth	Safonau ac Amserlenni
	✓ Bydd y Gweithiwr Cymdeithasol yn cwblhau Adolygiad Plentyn sy'n Derbyn Gofal, un bob chwe mis. ✓ Gwahoddir Gyrfa Cymru i fod yn bresennol yn yr adolygiadau. ✓ Gwahoddir Gweithwyr Iechyd Proffesiynol i fod yn bresennol yn yr adolygiadau. ✓ Pan fydd y person ifanc yn 15½ oed bydd y Gweithiwr Cymdeithasol yn creu Cynllun Llwybr. ✓ Bydd y Gwasanaethau Plant yn dyrannu Cynghorwr Personol. ✓ Cyflwynir y Cynghorwr Personol i'r person ifanc yn yr ail Adolygiad Plentyn sy'n Derbyn Gofal.	
16	✓ Bydd y Gweithiwr Cymdeithasol yn adolygu'r Cynllun Llwybr. ✓ Bydd y Gweithiwr Cymdeithasol yn cwblhau Adolygiad Plentyn sy'n Derbyn Gofal, un bob chwe mis. ✓ Bydd pobl ifanc sydd ddim yn Derbyn Gofal yn cael adolygiad blynyddol gan y tîm y maent yn gweithio gyda hwy. ✓ Gwahoddir Gyrfa Cymru i fod yn bresennol yn yr adolygiadau. ✓ Gwahoddir Gweithwyr Iechyd Proffesiynol i fod yn bresennol yn yr adolygiadau. ✓ Bydd y Cynghorwr Personol yn gwneud atgyfeiriad i'r Tîm Targedu Ieuenctid am allgymorth. ✓ Bydd y Cynghorwr Personol yn gwneud atgyfeiriad i Vultrans (Grŵp Pontio agored i Niwed). Mae gan Vultrans gynrychiolwyr o holl ddarparwyr gwasanaeth ôl-16 yn Sir Benfro, Gyrfa Cymru, y Gwasanaeth Ieuenctid a Gwasanaeth Addysg Cyngor Sir Penfro.	✓ Pan fydd y person ifanc yn 16 oed rhaid i Weithiwr Iechyd a Gofal Cymdeithasol Plant ystyried ei anghenion gofal iechyd parhaus ac felly bydd 'cytundeb mewn egwyddor' yn ei le erbyn y bydd y person ifanc yn 17 oed.
17/17½	✓ Bydd y Gweithiwr Cymdeithasol yn cwblhau Adolygiad Cynllun Plant sy'n Derbyn Gofal/Cynllun Llwybr, un bob	✓ Erbyn y bydd y person ifanc yn 17 oed bydd cytundeb mewn egwyddor yn ei le ar gyfer Gofal Iechyd Parhaus.

Oedran	Pwy a Beth	Safonau ac Amserlenni
	chwe mis os yw'r person ifanc yn dal i dderbyn gofal. ✓ Pan fydd y person ifanc yn cyrraedd 17/17½ oed, bydd Gwasanaethau Oedolion yn dechrau eu hasesiad integredig. ✓ Bydd y Cynghorwr Personol yn cwblhau Adolygiad o'r Cynllun Llwybr, un bob chwe mis os nad yw'r person ifanc yn derbyn gofal mwyach. ✓ Gwahoddir Gyrfa Cymru i fod yn bresennol yn yr adolygiadau. ✓ Gwahoddir Gweithwyr Iechyd Proffesiynol i fod yn bresennol yn yr adolygiadau. ✓ Bydd y rhai sy'n gadael gofal a phobl ifanc nad ydynt yn derbyn gofal yn cael adolygiad bob 6 mis.	✓ Pan fydd y person ifanc yn 17/17½ oed bydd Trosglwyddiadau Gofal Cymdeithasol Oedolion yn dechrau'r Asesiad Integredig a'r cynllun Gofal a Chymorth. ✓ Bydd ar Drosglwyddiadau Gofal Cymdeithasol Oedolion angen Asesiad Integredig Plant cyfredol a chynlluniau gofal priodol cyn dechrau'r Asesiad Integredig Oedolion. ✓ Bydd y cynllun Gofal a Chymorth yn adlewyrchu anghenion y person ifanc a'i anghenion cymorth yn ei gyfnod pontio i ddarpariaeth addysgol ac i Wasanaethau Oedolion.
18	✓ Bydd y Gwasanaethau Plant yn cau'r achos a'r gwasanaethau'n dod i ben. ✓ Bydd y Gwasanaethau Oedolion yn parhau i weithio gyda'r person ifanc. ✓ Bydd y Cynghorwr Personol yn parhau i adolygu'r Cynllun Llwybr bob chwe mis ar gyfer y rhai sy'n gadael gofal, tra bydd yr oedolyn ifanc mewn addysg amser llawn, hyd at 25 oed. ✓ Mewnbwn diogelu oedolion.	

7 Trefniadau Llywodraethu

Byddwn yn monitro ein cynnydd mewn pontio ac yn erbyn y protocol hwn drwy sicrhau bod pawb yn cael llais. Mae'r partneriaid amlasiantaethol sy'n ymwneud â phontio yn cynnwys:

- Pobl Ifanc
- Gwasanaethau Eiriol
- Cyngor Sir Penfro:
 - Addysg – Gwasanaeth Cynhwysiant ac Ysgolion a Gwasanaethau Ieuenctid
 - Gwasanaethau Cymdeithasol – Gwasanaethau Plant a Gofal Oedolion
- Gyrfa Cymru
- Bwrdd Iechyd Prifysgol Hywel Dda: Gwasanaethau Iechyd Meddwl Plant ac Oedolion
- Coleg Sir Benfro
- Gyrfa Cymru
- Sefydliadau'r Trydydd Sector

Caiff y broses bontio ei llywodraethu gan grwpiau pontio strategol a gweithredol hefyd.

Y Grŵp Pontio Strategol (GPS)

- Mae'n cael ei gadeirio gan Bennaeth Gofal Oedolion.
- Cynrychiolir Addysg gan: Pennaeth Cynhwysiant, Rheolwr Gwasanaethau Integredig, Dirprwy Bennaeth Ysgol Portfield, Athrawon Ymgynghorol Arweinydd Tîm a Swyddog Arweiniol Fframwaith Ymgysylltu a Datblygu Ieuencid / Dim mewn Addysg Hyfforddiant na Gwaith (YEPF/NEETS).
- Mae'r Rheolwr Comisiynu Strategol a Rheolwr y Gwasanaeth ar gyfer Anableddau Dysgu ac Iechyd Meddwl hefyd yn cynrychioli Gwasanaethau Cymdeithasol.
- Mae yna hefyd gynrychiolwyr o Fwrdd Iechyd Prifysgol Hywel Dda, Coleg Sir Benfro a Gyrfa Cymru.
- Mae'r grŵp hwn yn cyfarfod bob dau fis a bydd yn ystyried diweddariadau gan y Panel Anghenion Cymhleth a'r Grŵp Pontio Amlasiantaethol (grŵp pontio gweithredol). Bydd y grŵp pontio strategol hefyd yn ystyried cynllunio cymorth pontio rhanbarthol strategol.

Grŵp Pontio Gweithredol Amlasiantaethol (GPGA)

Bydd y Grŵp Pontio Gweithredol Amlasiantaethol yn ystyried ceisiadau am gymorth ac yn gwneud penderfyniadau a yw cymorth yn briodol. Bydd y Grŵp yn adrodd ar drosglwyddiadau bob mis i'r Grŵp Pontio Strategol. Bydd hyn yn cynnwys monitro:

- Cadarnhau'r atgyfeiriadau a dderbyniwyd;
- Niferoedd y rhai sydd yn y cyfnod pontio ar hyn o bryd;
- Nodi anghenion sydd heb eu hateb a datblygu adnoddau sy'n bwydo i mewn i'r Grŵp Pontio Strategol;
- Nifer y bobl ifanc fydd yn y cyfnod pontio bob blwyddyn a faint fydd o bosibl yn mynychu ysgolion / colegau preswyl yn y dyfodol.

8 Cyllid

Rhaid inni sicrhau ein bod yn gwario ein cyllideb mewn ffordd gyfrifol fel y gallwn ddarparu gwasanaethau i'r rhai sydd eu hangen. Byddwn, felly, yn gwneud yn siŵr o'r canlynol:

- ✓ Archwilir pob opsiwn lleol priodol posibl cyn ystyried lleoliadau arbenigol.
- ✓ Trafodir dewisiadau o ran lleoliad gyda Gofal Cymdeithasol Oedolion cyn i'r lleoliad ddechrau os yw'r person ifanc yn 14 oed neu'n hŷn.
- ✓ Bydd pobl ifanc yn cael asesiad gyda'r darparwr addysg lleol i amlinellu sut y gellir ateb eu hanghenion a phwy sydd yn y sefyllfa orau i wneud hynny.
- ✓ Dim ond os na all darparwyr addysg lleol ateb anghenion y caiff coleg neu ysgol breswyl ei ystyried.

9 Anghenion Dysgu Ychwanegol

Mae Deddf Anghenion Dysgu Ychwanegol a Thribiwnlysoedd Addysg (Cymru) 2018 (Deddf ADY) yn nodi'r gofynion ar gyfer cefnogi pobl ifanc ag ADY.

- ✓ Bydd yn ofynnol i ysgolion a meithrinfeydd a gynhelir, unedau cyfeirio disgyblion a sefydliadau addysg bellach (SABau), gael Cydgysylltydd Anghenion Dysgu Ychwanegol dynodedig (CADY).
- ✓ Bydd yn ofynnol i awdurdodau lleol benodi Swyddog Arweiniol ADY y Blynnyddoedd Cynnar.
- ✓ Os bydd angen trafod dewisiadau lleoli arbenigol rhaid gwneud hyn gyda'r person ifanc, aelodau'r teulu a gweithwyr proffesiynol perthnasol Gyrfa Cymru, Iechyd, Addysg a Gwasanaethau Cymdeithasol; dylai hyn sicrhau yr ystyrir holl oblygiadau ariannu a phontio.
- ✓ Dylid trafod unrhyw anghenion heb eu hateb sydd gan bobl ifanc a fydd yn mynychu cyfleoedd dydd o fewn y Grŵp Gweithredol Pontio. Caiff y drafodaeth hon ei chyfeirio at y Grŵp Strategol Pontio neu'r panel Anghenion Cymhleth.

10 Gofal Iechyd Parhaus

Os bydd angen cymorth gofal iechyd parhaus i oed oedolyn, bydd angen i weithwyr proffesiynol iechyd a'r Gwasanaethau Cymdeithasol drafod goblygiadau hyn gyda'r person ifanc, ac aelodau o'r teulu pan fydd y person ifanc yn 16 oed.

- ✓ Os oes angen, trefnir Asesiad Gofal Iechyd Parhaus (GIP) cyn gynted â phosibl. Caiff hyn ei hwyluso gan y gweithiwr proffesiynol mwyaf priodol.
- ✓ Dylai'r asesiad cymhwysedd o dan Feini Prawf Gofal Iechyd Parhaus Oedolion ddechrau yn ystod 16^{eg} blwyddyn yr unigolyn. Bydd hyn yn sicrhau bod penderfyniad 'mewn egwyddor' yn cael ei wneud erbyn pen-blwydd y person ifanc yn 17 oed.
- ✓ Dylid tynnu sylw'r Grŵp Pontio Amlasiantaethol os oes unrhyw broblemau gyda'r broses Asesu hon.
- ✓ Cyfrifoldeb y Gweithiwr Cymdeithasol Plant yw cwblhau'r broses GIP gyda gweithwyr iechyd proffesiynol, gan ddechrau pan fydd y person ifanc yn 16 oed.

11 Cau Achosion Pontio: Trosglwyddiadau neu Ymadael

Os bydd y person ifanc yn dechrau hyfforddiant seiliedig ar waith, cyflogaeth neu ryw weithgaredd arall yn ystod y dydd, gall barhau i ddatblygu ei Gynllun Pontio. Caiff y Cynllun Gofal a Chymorth ei adolygu gan Weithiwr Pontio Gofal Cymdeithasol Oedolion.

12 Cwynion/Canmolïaeth

Dylid cyfeirio cwynion, canmolïaeth ac anghytundebau at y sefydliad arweiniol dan sylw. Yn gyntaf gyda'r gweithiwr arweiniol ac yna drwy ddefnyddio proses gwyno'r sefydliad.

Rhaid rhoi cyfle i'r person ifanc a'i deulu leisio pryderon mewn cyfarfodydd adolygu.

ATODIAD 1 – DEDDFWRIAETH Y LLYWODRAETH

Nod y protocol hwn yw integreiddio prosesau asesu a chynllunio'r gwahanol asiantaethau yn un system sy'n bodloni gofynion deddfwriaethol. Y mwyaf arwyddocaol o'r rhain yw:

- Deddf Gwasanaethau Cymdeithasol a Llesiant (Cymru) 2014
- Deddf Plant 1989 a 2004
- Deddf y GIG a Gofal Cymunedol 1990
- Deddf Addysg 1996
- Deddf Pobl Anabl (Gwasanaethau, Ymgynghoriadau a Sylwadau) 1986
- Confensiwn y Cenhedloedd Unedig ar Hawliau'r Plentyn 1989
- Deddf Anghenion Dysgu Ychwanegol a Thribiwnlysoedd Addysg (Cymru) 2018 (Deddf ADY)
- Cod Ymarfer AAA Cymru
- Gofal Iechyd Parhaus y GIG: Fframwaith gweithredu yng Nghymru.